

**«Қазақстан Республикасы резиденттігін растау» мемлекеттік қызметін алу тәртібі
туралы жадынама 2018 жылғы**

«01» қаңтардан бастап «Салық және бюджетке төленетін басқа да міндетті төлемдер туралы» Қазақстан Республикасының Кодексіне сәйкес Қазақстан Республикасының жеке тұлғалары – бейрезиденттерінің табыстарына салық салыну тиіс. Банк, салық агенті ретінде, Қазақстан республикасының бюджетіне кейіннен аудару үшін жинақтаушы шоттар бойынша есептелген сыйақыдан жеке табыс салығын ұстап қалуға міндетті.

Бейрезидент - ағымдағы салық кезеңінде аяқталатын кез келген үздіксіз он екі айлық кезеңде 183 (бір жүз сексен үш) күнтізбелік күннен кем уақыт бойы (келу және кету күндерін қоса алғанда) Қазақстан Республикасында келіп кетіп жүрген шетел азаматы. Қазақстан Республикасының азаматтығы немесе Қазақстан Республикасында тұруға рұқсаты (ықтиярхаты) бар болса, бірақ төменде көрсетілген тармақтарының бірі бойынша сәйкестік жоқ болған кезде Салық салу мақсатында бейрезидент болып танылады (217-бап):

- жеке тұлғада Қазақстан Республикасының азаматтығы немесе Қазақстан Республикасында тұруға рұқсаты (ықтиярхаты) болса;
- жеке тұлғаның отбасы және (немесе) жақын туыстары Қазақстан Республикасында тұрса;
- жеке тұлғаның Қазақстан Республикасында кез келген уақытта тұруы және (немесе) жұбайының және (немесе) жақын туыстарының тұруы үшін қолжетімді, жеке тұлғаға және (немесе) жұбайына және (немесе) жақын туыстарына меншік құқығында немесе өзге де негіздерде тиесілі жылжымайтын мүлкі бар болса.

Жеке тұлға-бейрезидент **Резиденттігін растау үшін** Банкке келесі құжаттарды ұсынуы қажет:

- 1) Қазақстан Республикасы Қаржы министрлігінің Мемлекеттік кірістер комитеті беретін Салық салу мақсатында оны резидент ретінде тану туралы анықтама (бұдан әрі – Анықтама).
- 2) Кезеңді (анықтаманың әрекет ету мерзімі) көрсетумен Салықты төлеуден босатуға еркін түрде жазылған өтініш.

Тұлғаның резиденттігі Салық салу мақсатында Резидент танылу туралы анықтамасында көрсетілген әр күнтізбелік жыл үшін расталады.

Мемлекеттік қызметті Қазақстан Республикасы Қаржы министрлігінің Мемлекеттік кірістер комитетінің облыстар, Алматы және Астана қалалары бойынша аумақтық органдары (бұдан әрі – көрсетілетін қызметті беруші) көрсетеді.

Өтінішті қабылдау және мемлекеттік қызметті көрсету нәтижесін беру:

- 1) көрсетілетін қызметті беруші кеңсесі;
- 2) «Салық төлеушінің кабинеті» веб-қосымшасы (бұдан әрі - Салық төлеушінің кабинеті) арқылы жүзеге асырылады.

Сонымен қатар мемлекеттік қызмет «электрондық үкімет» веб-порталы www.egov.kz (бұдан әрі – Портал) арқылы да көрсетіледі

Мемлекеттік қызмет көрсетудің нәтижесі:

- 1) уәкілетті орган белгілеген нысан бойынша резиденттігін растайтын құжатты беру;
- 2) қызмет берушінің мемлекеттік қызметті көрсетуден бас тартуы туралы дәлелді жауабы болып табылады.

Мемлекеттік қызмет көрсету мерзімдері:

көрсетілетін қызметті алушы құжаттарды тапсырған күнінен бастап күнтізбелік 15 (он бес) күн ішінде.

Көрсетілетін қызметті алушы мемлекеттік қызмет көрсетулерді алуға жүгінген кезде қажетті құжаттар тізбесі:

көрсетілетін қызметті берушіге:

- 1) резиденттігін растау туралы салықтық өтініш;
- 2) резидент болып табылатын шетелдік немесе азаматтығы жоқ адам жеке куәлігінің немесе паспортының Қазақстан Республикасында болу кезеңін растайтын құжаттың (визаның немесе өзге де құжаттардың) Қазақстан Республикасында тұруға ықтиярхаттың (бар болса) нотариаттық куәландырылған көшірмелерін ұсынады.

Көрсетілетін қызметті алушы порталға жүгінген кезде:

- 1) электронды құжат нысанындағы өтініш;
- 2) резидент болып табылатын шетелдік немесе азаматтығы жоқ адам жеке куәлігінің немесе паспортының Қазақстан Республикасында болу кезеңін растайтын құжаттың (визаның немесе өзге де құжаттардың) Қазақстан Республикасында тұруға ықтиярхаттың (бар болса) нотариаттық куәландырылған электронды көшірмелері;
- 3) ЭЦҚ міндетті түрде болуы қажет.

Сондай-ақ қосымша ақпаратты call-орталығының телефондары: 8-800-080-7777, 1414 арқылы алуға болады.